

DISSERTATIO CRITICA  
DE  
ORTU ET INCREMENTIS  
LINGUAЕ LATINAЕ,

---

QUAM,

VENIA ORDINIS AMPLISSIMI PHILOSOPHORUM  
AD AURAICUM INCLYTUM ATHENÆUM,

P. P.

*JOHANNES GABRIEL LINSEN,*

PH. MAG., LITTERAT. ROMAN. ADIUNCTUS,

ET

*CAROLUS MAGNUS LIMON,*

STIPEND. PUBL., SATACUNDENSIS,

In Audit. Medico die XIX Novembris MDCCCXIV,  
horis ante meridiem solitis,

P. IV.

---

ABOÆ, TYPIS FRENCKELLIANIS.



Sed hæc haecenius. Alia jam ad quæstionem, quam movimus, solvendam haud minimi momenti res est tangenda. Constat enim, mox post urbem conditam callido atque violento Romuli consilio (*e*) Romanorum pubem raptarum virginum matrimonij esse adornatam, quamobrem bella erant saeiva ei gerenda cum vicinis populis, in primis autem cum Sabinis periculose. Quod tamen præter spem feliciter est compositum mirandumque illum tristium & lacrymantium intercessione feminarum habuit eventum, ut non modo pax facta sit læta, sed una etiam civitas ex duabus, conferentibus omne imperium Romam Sabinis hancque ita geminantibus (*f*).

F

Hi

*e) Raptas sive more dicit VIRGILIUS, Aen. VIII, 635.* Minime tamen illud ex nostris moribus testimandum. Barbaræ enim gentes haud ita scrupulose metiuntur jura, quæ ad personam hominis pertinent. Quin potius in robore tam corporis quam animi omnem fidem putant viri præstantiam & dignitatem, quacunque sit ratione prolatum in lucem. Neque sexus ipse muliebris virum quemque animo vehementi & audaci maxime præcellentem propensissimus non suspicit, & cedere victori plerumque gaudet haud blandissimo. Igitur etiam DIONYSIUS dicentem inducit Romulum, rapinam illam non ad contumeliam spectasse, sed conjugium, docentemque, modum hunc ipsorum Græcorum (Theseus e. c. rapuit Helenam, ut legimus apud PLUTARCHUM) fuisse antiquissimum, & qui maximum decus detulerit expetitis ad nuptias mulieribus. L. II, c. 31. Cfr. LIVIUS, L. I, c. 9. Etiam apud antiquos Scandianos, gentem tam generosam & æquitatis amantem, violenti ejusmodi tori confortes factas scimus feminas.

*f) LIVIUS, L. I, cc. 9-13. DIONYSIUS, L. II, cc. 31-48.*

Hi igitur haud spernendam expleverunt partem Romanæ propaginis; quam etiam ex duobus constare principiis — gente Latina & Sibina — aperte indicant autores (*g*), & nomen etiam probat Quiritium, quo inclaruere Romani (*h*). Quæ conjunctio, si cum pace Romanos inter constituta & Albanos confertur, magis etiam est admiranda. Certe animum movet tenerum & supplicum Sabinarum mulierum imago, quarum magnam fuisse vim in gente altera alteri concilianda, in confessio est. Probat produnt & placidam cum feminæ mentis tuu Sabini sanguinis (*i*) indolem: — dignissimæ prole genitrices Romanarum eximia morum venustate insignium

matro-

*g) OVIDIUS, Metam. XIV, 83.*

*h) SERVIUS, ad Aen. VII, 708: "Prisciique Quirites, id est Sabini. Prisci autem ideo, quia post foedus Tatii & Romuli placevit, ut quasi unus de duobus fieret populus, unde Romani Quirites dicti sunt, quod nomen Sabinorum fuerat a civitate Curibus, & Sabini a Romulo Romani dicti." Scilicet non omnis gens Sabina in societatem Romanorum est adjuncta; sed Curium tanum incolæ, quos PLINIUS, Hist. nat. L. III, c. 12, & FESTUS Curenses appellant. Neque tamen non alii etiam Sabini Romam postea migrarent. Sic e. c. post Tarquinium ejectum Appius Claudius, deinde Claudio Romæ appellatus, gentis nobilitissimæ Claudiæ auctor (Aen. VII, 708). Cf. SVETONIUS, Tib. c. 1; TACITUS, Annal. LXI, c. 24), ab Regillo Sabina urbe magna clientium comitatus manu Romam transfugit, seditione orta inter populares. LIVIUS, L. II, c. 16. De nomine Cures vide infra.*

*i) HORATIUS, Epod. II, 39-42.*

matronarum (k), quæ in Græcanici ingenii & Romani vehementer inter se repugnantis adumbratione vel maxime tenent oculos (l). Uxoribus tamen solis hæc conjunctio non videtur adcribenda. Salva ipsarum veneranda pietate suspicari liceat, cognationem quandam inter hasce gentes intercessisse. Haud enim scio, an sine ulla-linguae atque morum similitudine illud vix potuerit efficere sedatus tantum animorum nuper placato-

F 2

rum

- k) Clarissimum testimonium honestæ atque pudicæ vitæ viribus tribuit Romanis DIONYS. L. II, c. 26. Loquimur tamen de bonis temporibus. Vitia, quæ mulierum etiam apud Romanos saeculo Augusti infecere mentem turpisima, cognosci possunt ex opere elegantissimo C. A. BÖTTIGER, *Sabina oder Morgenzenen im Putzszimmer einer reichen Römerin*, 2 Thle. 2:te Aufl. Leipz. 1806.
- l) In Cornelia & Aspasia quanta differentia! Valuerunt ea gratia atque dignitate apud Romanos feminæ, quæ nobilem his inspiraret animum & virtutes pulcherrimas procrearet. Ea quoque re congruere videntur priisci Romani cum vetere septentrionalium populorum consuetudine: & quadrant optime in illos, quæ de Teutonis antiquis ex TACITO (*German.* c. 8. *Hist.* L. IV, c. 61) narrat v. MÜLLER. "Die Liebe der Frau, ihre standhafte Treue schien das erste Glück, das natürlichste Gefühl: die Weiber besorgten das ganze Haus; verdienstvoll war ihr Leben, und nicht ohne Einfluss auf die Rathschläge der Männer: ehrerbietig frug man die alte Welleda, der die Götter die Zukunft öffneten." (Ita Numa suam Egeriam). L. c. I Th. p. 460. Hæc autem ne nimis digredi censantur, rogamus, a proposito. Visa sunt nobis veluti præsignificanda, cum feminis haud parum debere Latinam linguam infra sumus ostensuri.

rum habitus, et si maxime attrahit ad amicitiam, seminarum etiam precibus adjutus. Neque desunt argumenta, quae istam fere confirmant conjecturam. Principio haud sunt præternitenda, quæ de Latini regia canit VIRGILIUS. Descriptionem, et si longiorem, juvat heic adjungere.

*Ille intra tecta vocari  
Imperat, & solio mediis consedit avito.  
Tectum augustum, ingens, centum sublime columnis,  
Urbe fuit summa, Laurentis regia Pici,  
Horrendum sylvis & religione parentum.  
Hinc sceptræ accipere & primos attollere fasces  
Regibus omen erat: hoc illis curia templum:  
Hec sacris sedes epulis: hie ariete cæso.  
Perpetuis soliti patres confidere mensis:  
Quin etiam veterum effigies ex ordine avorum  
Antiqua ex cedro: Italusque paterque Sabinus  
Vitisator, curvam servans sub imagine falcem,  
Saturnusque senex, Janique bifrontis imago,  
Vestibulo adstabant: aliqui ab origine reges,  
Martia qui ob patriam pugnando vulnera pasfi.  
Multaque præterea sacris in postibus arma:  
Captivi pendent currus curvæque secures,  
Et crista capillum & portarum ingentia claustra,  
Spiculaque, clypeique ereptaque rostra carinis.  
Ipse Quirinali lituo parvaque sedebat.*

*Succinctus trabea, lœvaque ancile gerebat  
Picus, equum domitor (m).*

Quis res mere fictas heic poëtam loqui contendat (n)? —  
Deinde ipsam popularem Sabinorum religionem cum Romana  
illa comparatam indicio esse putamus communis harum natio-  
num

m) *Aen.* VII, 168, sqq.

n) Tantum tamen abest, ut omnia, quæ heic dicit poëta, historicam  
mereantur fidem, ut manifeste multa ad sui ævi similitudinem  
more solito fingat. Sic e. c. *teatrum* illud *urbe summa augustum*  
& *centum sublime columnis* domus Octavianæ in Palatio conditæ  
refert formam, & reges isti antiqui, cum *fasces* attollunt, cet.,  
non nisi Romanorum mores imitantur. Quod etiam magis valet in  
eurrus, secures, cristas capitum, erepta carinis rostra, quæ in sacris  
postibus pendebant. Effigies vero avorum antiqua ex cedro secun-  
dum poëta sententiam *imaginibus majorum*, quas in atriis  
servabant Romani, respondere nobis videntur. Negat id quidem  
HAMMARSKÖLD, illasque appellat "forgudade Idealer af Italiens  
äldste bebyggare." Concedimus hoc facile, si statuendum erit,  
quid revera fuerint *Italus*, *Sabinus*, *Saturnus*, *Janus*; poëta autem  
heic alia prorsus eos offert specie; hanc poscunt explicationem  
verba: *aliisque ab origine reges* (i. e. ejusdem flirpis ac Latinus:  
"Kungar af ätten." ADLERBETH. Minus scil. commode quidam  
Aboriginum reges interpretantur). Neque antiquis temporibus nu-  
minum ulla in Italia existierunt simulacra, ut infra videbimus. —  
Cum autem in avos Latini patrem referat Sabinum Maro, de cognatione  
Romanorum & Sabinorum cui non libet suspicari? Etiam  
Quirinalis litui heic factam mentionem pro sola prolepsi vix ha-  
bendam putamus. V. not. sq.

num originis. Constat enim, Sabinis æque ac Romanis Martis dei cultum in summo fuisse honore (o). Quid? quod in anti-

o) OVIDIUS, *Faft. III*, 85-96. Martem dicit VARRO *acceptum a Sabiniis*, ubi *Mamers* nominaretur. *De L. L.*, L. IV. — Cultum Martis in Italia percontati id ex annalibus eruimus, divum hunc duplex habuisse cognomen. Dicebatur nempe aut Mars Gradi-  
vus, aut Mars Quirinus. Priore designabant nomine Martem, cum in pugnam procedens (*a gradiendo scil.*) cogitaretur, cruen-  
tus, sævus, vehemens; placidus autem a pugna redux, fatiata ira  
de victoria triumphans, Quirinus appellabatur. Quod nomen a Sabina voce *quiris* (*curis*) deducitur, hastam significante. Eiusmo-  
di hasta sceptri loco reges usi sunt Sabini (ex more apud gentes  
solemni antiquissimas, ut Homericum nobis ostendit δόρυ αστόν-  
γον atque σκῆπτρον. Cfr. *Aen.* VI, 760 & XII, 266-211): quam ob causam belli deus eadem fuit decoratus. Probat illud SERVIUS,  
*ad Aen.* I, 296, sq. "Mars, inquit, quum sævit, Gradius dici-  
tur; quum tranquillus est, Quirinus." Inde cives Romani togati  
Quirites dicebantur, proprie autem, cum e bello redirent. Canit  
ad Augustum HORATIUS, *Carminum L. II*, od. VII, v. 3, sq.

*Quis te redonavit Quiritem  
Diis patriis -:*

& quando VIRGILIUS, *Georg.* III, 27, sq. effatur:

*In foribus pugnam ex auro solidoque elephanto  
Gangaridum faciam, vittorisque arma Quirini -,*

eundem intelligit imperatorem, qui subacta India paceque restituta  
victor Quirinus salutari meruit. Inde Romuli profectum est illustre  
cognomen. Victoriarum scil. gloria cumulatus ad astra venit Mar-  
tis filius jure dictus Quirinus. Neque huic repugnare putandum

antiquissimis Sabinæ gentis fabulis eadem fere de ortu ipsius  
pro-

est, quod locum convicci in milites ignavos & timidos nomen obtinuit Quiritium (TACIT. *Annal.* L. I, c. 42. SVETON. *Cæf.* c. 70. AELIUS LAMPRIDIUS, *vita Alex. Severi*, c. 52. LUCANUS, *Pharsalia*, V, 358): potuit enim in hanc flagitiosam prima ejus honesta sensim abire significatio. — Patefactam sic etiam putamus viam ad hunc explicandum versum:

*Tertiaque arma patri suspendet capta Quirino,*

ÆN. VI, 859, quem difficultem habuerunt interpretes. Cum enim patrem Quirinum heic Jovem vocari Feretrium, quippe cui Romuli lege spolia opima esent ferenda, nemo sit negaturus: statuere licet, his verbis usum poëtam, quia Martis erat Jupiter parentis, eique vicit & revertens dux spolia suspendit. Elucet hoc etiam ex HORATIO, *Carm.* L. IV, od. XV, 8 sq., Cæsaris celebrante æstatem, quod

*vacuum d'uellis:*

*Janum Quirini clausit.*

Cfr. SVETON. *Aug.*, c. 22. MACROBIUS, *Saturnal.* L. I, c. 9. Perperam hinc judicatur, jam a Romulo templum Jani Romæ esse conditum. Melius, ut nobis videtur, ex his efficitur, verbo Quirini subjici notionem victricibus armis partæ pacis huicque conjunctæ felicitatis.

*Cana Fides & Vesta, Remo cum fratre Quirinus:*

*Jura dabunt.*

— *Lituus Quirinalis* quid sibi velit, paucis etiam erit explicandum. Existimamus dignitatem auguralem ævo antiquissimo regulorum Italicorum proprium & forsitan primarium fuisse munus: quod

proferuntur, quæ de Romulo Martis satu edito tradita sunt (p). Saturnum quoque coluerunt tam Sabini quam Romani (q). Vestigia igitur similitudinis inter linguam Latinam illamque Sabinorum, quæ apparent, antiquiora forsitan sunt Tatii & Romuli ævo (r).

Quæ

nobis svadent præclara insignia (lituus, trabea, cet.), quibus erant augures ornati. Romulus saltem & rex fuit & augur. Confirmat illam sententiam vox *augustus*, cuius verius etymon videtur *augur*, quam *augeo*. Cum igitur hasta illa Sabina, quiris, regium fuerit insigne; facile perspicitur, cur lituum auguralem poëta appelleat *Quirinalem*.

p) DIONYSIUS, L. II, c. 50.

q) VARRO, *de L. L.* IV.

r) Cernitur ejusmodi vestigium in nummis Samnitum (Sabinorum stirpis). JOSEPHUS ECKHEL nummum quedam describens Samniticum, in quo exsistat inscriptio *Mutil. Embratur*, docet, huic voci in Latinorum lingua respondere vocem *Imperator*: e quarum appellationum similitudine satis manifesta non male videtur colligendum, cognatas fuisse Samnitum seu Sabinorum atque Romanorum linguas. Addit hæc: "Revera supremus Samnitum dux Livio plerumque dicitur *Imperator*, quæ loca congesit Oliverius." *Doctrina humorum veterum*. P. I, Vol. I. Vindob. 1792, p. 103, sq. — "Alpes a candore nivium dictæ sunt; quia perpetuis fere nivibus albescunt. Sabini enim *alpum* dixerunt, quod postea Latini *album*; unde *Alpium* nomen." FESTUS. "Famuli origo ab Oscis dependet, apud quos servus *famel*; unde & *familia* vocata." Idem. Cf. not. sq. u.